



Broj: 07-45-4-868-2/2021  
Datum, 02.03.2021. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
SEKRETAR  
Ul. Hamdije Kreševljakovića br 3  
71000 Sarajevo**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 12-03-2021

Org. jed.	Broj	Priloga	Vrijednost
05/2	-02-	574	21

**PREDMET:** Odgovor na inicijativu, **dostavlja se,-**  
**V E Z A:** Vaš akt broj: 05/2-02-574/21 od 23.02.2021. godine

Poštovani,

U skladu sa Vašim aktom, broj i datum veze, a u cilju davanja adekvatnog odgovora na dostavljenu inicijativu Jasminka Kapića, delegata u Domu naroda Parlamenta Federacije Bosne i Hercegovine, ističemo da je rok za predaju finansijskih izvještaja definisan Zakonom o računovodstvu i reviziji („Službene novine Federacije BiH“, broj 83/09) (u daljem tekstu: Zakon) kao i Objašnjenjem o predaji finansijskih izvještaja po godišnjem obračunu za period 01.01.-31.12.2020. godine broj 04-45-1-415/21 od 18.01.2021. godine.

Članom 39. Zakona propisana obaveza istovjetnosti prilikom predaje printane i elektronske forme finansijskih izvještaja, pa su se shodno navedenom, u finansijskoj 2020. godini stekli neophodni informatički preduslovi kontrole istovjetnosti papirne i elektronske forme odnosno praktična implementacije člana 39. Zakona.

Naprijed navedeno je uslovilo izmjenu formi finansijskih izvještaja, a koji su objavljeni u Službenim novinama Federacije BiH, broj 3/21, s tim da je sadržaj ostao nepromijenjen niti se promijenio način sačinjavanja finansijskih izvještaja.

U skladu sa izvještajnim formama obveznika predaje finansijskih izvještaja u Federaciji BiH, izrađeni su excel predlošci koji su, sa relevantnim uputstvima, objavljeni na web portalu Finansijsko-informatičke agencije (u daljem tekstu : FIA), a koji su besplatno dostupni svim obveznicima predaje finansijskih izvještaja.

Način na koji obveznici popunjavaju sadržaj predložka (ručni unos ili kopiranje podataka iz pomoćnih programa) ostavljen je na izbor obveznicima predaje finansijskih izvještaja.

Utvdili smo da je, na početku, problem uzrokovan upotrebom pomoćnih programa koje su koristili obveznici prilikom sačinjavanja finansijskih izvještaja (kojima su mijenjali sadržaj excel predložka što je uzrokovalo različitost elektronske i papirne forme) i isti uspješno prevazišli kontrolom forme excel predložka u softveru za Registar finansijskih izvještaja.

Također, moramo istaći da je blagovremeno, na seminarima, izvršena kvalitetna edukacija računovođa od strane predstavnika FIA-e prilikom čega su date jasne instrukcije, pojašnjenja i objašnjenja naročito o načinu prijema i obrade finansijskih izvještaja te dali stručne odgovore na sva pitanja računovođa i tako otklonili sve nejasnoće oko načina predaje finansijskih izvještaja za 2020. godinu.

Nadalje, napominjemo da su u FIA-i oformljeni stručni timovi za podršku obveznicima predaje finansijskih izvještaja, a koji su putem telefona ili e-maila kontinuirano, svakim radnim danom, na raspolaganju za sva pitanja obveznika, kao i direktnim kontaktima u ispostavama FIA-e.

Obzirom da nije došlo do izmjene sadržaja već isključivo forme finansijskih izvještaja, smatramo da iznesene tvrdnje i navodi u podnesenoj inicijativi nisu relevantni za produženja roka predaje finansijskih izvještaja koji je Zakonom utvrđen, a detaljno i stručno razrađen Objašnjenjem od strane Federalnog ministarstva finansija.

Na kraju, naglašavamo i činjenicu da smo već zaprimili 36.182 finansijskih izvještaja za 2020. finansijsku godinu tako da je praktično uspješno okončan predviđeni proces prijema finansijskih izvještaja u Zakonom predviđenom roku.

Srdačan pozdrav!

**DIREKTOR**  
**mr.sci. Esad Mahmutović**

